

DRINGÄND : Felix, 7j.



suechet äs nöiis Daheime mit Freigang

Liebi Tierfründe

Lueget einisch, bin ig nit ganz en Hübschr? Ig bi dr Felix, dr Glücklechi, abr grad gar nid so glücklech, ig sueche nämlech gaaaanz dringänd es nöiis Daheime. Warum? Mis Froueli wanderet us u ig cha (u wott ou nid) mitchoh, Änds Monet müesset mir us dr Wohnig usse, denn wohne mir no für drü Wuche i eme Zimmerli u denn ... ig weiss no nid wo ane. Drum!

Ig bi 7jährig, kaschtriert, gimpft, chipped, regumässig entwurmt, gsung, schtuberein, sähr aahänglech u mönschebezoge, ganz lieb u fit u munter. Ig mag Ässe, Schmüsle u Schpiue. U ig bi schlau, ig cha Pfötli gäh u Chlickere, High Five isch mini Schpezialität. U ig liebe Freigang. I gah nid wiit, nur so um d'Ecke u bi di Nachbare vorbiiluege. Bi ou sähr gärn dinne bi mim Mönsch odr eifach dusse ufm Sitzplatz. Aafangs bin ig bi Frömde no es bitzeli ängschtlech, abr meischtens sieget mini Nöigierdi. Ig muess doch wüsse, wer Du bisch. Hung u Chatz u Ching wott ig liebr nid im nöiie Daheim, nur Du u ig, das wär tou. Wär so gärn Din Alleiprinz!

Ig sueche es ruhigs gmütlechs Daheime bi liebi Mönsche, di wo viu daheime sy u viu Ziit mit mir wönnt verbringe. Wie gseit ohni Ching, Hung u Chatz, abr derfür villiicht mit eme Garte, MIM Garte? Wohnsch Du in ere verchehrsarme Gägend? U suechsch Du en liebe pflägeliichte Mitbewohner? U möchtisch Du mi uf Läbänsziit verwöhne u mi lieb habe? Fählt Dir no e Chönig i Dim Daheime? Ou ja, das wär's! Denn müesset mir üs unbedingt lehre chenne. Ig wohne im Moment no z'Rüti/ZH, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ah ja, mir pressiert's es bitzeli, chönnt ig no bis Änd März bi Dir innezügle? Denn müesst ig nid zwöimau züggle. Das wär mega! Auso, mäud Di ganz schnäu, ig fröie mi uf Dig!

Din Felix



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch